

Transkription von Urkunde HST 1317d

Ort, Datierung: Stralsund, 1317-06-09

Signatur: Stadtarchiv Hansestadt Stralsund, StU 0135 [\[online\]](#)

Inhalt: Wizslawe tu Ruyen: Schadenersatz

Wie wizslawe van der gods ghenade vorste tũ ruyen . Be kennen vnde be tughe(n) an dessen
yegenwordeghe(n) breuen , dat wȳ / vnsen truwen ma(n)nen . H(er)n Hinr(ik) . H(er)n borcharde ,
vnde vicken , den brode(re)n van d(er) ost , vnd eren rechte(n) erf namen hebben gelaten / vnde ghe sat
tũ eȳnem wedde scatte twe hund(er)t m(a)rc geldes in vseme toln tũ me sunde vor twedusent m(a)rc
pe(n)ninghe al d(er) dane wis . / dat wȳ nu lest dar mede van en ghe sceden sin , van allen . sculden
vnde scaden , den se ṽp vns vorderden , So welken toln(er)s wȳ dar sette(n) , / de scal en be wissen mit
besetenen borghe(re)n binne(n) deme sunde , dat he en , od(er) den , den se den toln laten , dat gelt yō
tũ sunte m(ar)tines / daghe vt richte redelyke(n) alle jar . So wanne wȳ od(er) vnse erf namen en ,
od(er) den se den tollē laten twedusent m(a)rk pe(n)ninghe geue(n) / so scal de vorsprokene rente
vnse vnd vns(er) erf name(n) vrig wesen . Wanne wi au(er) en geuen ṽppe sunte joha(n)nes daghe tũ
mȳddeme / some(re) twedusent m(a)rk , so scole wȳ vnd vns erf nam(en) de rente in deme tollē tũ
sunte m(ar)tins daghe vryg vinden , Tu er be tuginhe / desser dingh hebbe wȳ vns yngesegel Hir tũ
ghe henghet . Hir ou(er) heft ghe wesen H(er) johan van g(ri)zstowe . H(er) siuerd van / plone H(er)
Hinr(ik) van Dechowe . Her johan van dem Bugho . H(er) Conr(ad) van rensowe . H(er) johan
sivek(er)e . H(er) Ernst budde . Her Johan / huschol H(er) vicke bere vnse ridd(er)e . Dit is ghe schen
tũ me sunde , na gods bort dusent Jar . Drehundert Jar . Jn deme / seunteȳnden jare , an dem
achtēden Daghe , des hilghen lich(n)ame godes ...